

“ТАСДИҚЛАЙМАН”
Алишер Навоий номидаги Тошкент давлат
ўзбек тили ва адабиёти университети ректори

Ш.Сирожиддинов

2021 й.

**Алишер Навоий номидаги Тошкент давлат ўзбек тили ва адабиёти университети
Адабиёт назарияси ва замонавий адабий жараён кафедраси ҳузуридаги Адабий
жараённи баҳолаш илмий-тадқиқот марказининг
НИЗОМИ**

I. Умумий қоидалар

1.1. Адабий жараённи баҳолаш илмий-тадқиқот маркази (бундан кейин матнда “Марказ” деб аталади) Алишер Навоий номидаги Тошкент давлат ўзбек тили ва адабиёти университети Кенгаши қарори асосида ташкил этилган, ўз-ўзини бошқарадиган мустақил Марказ бўлиб, ўз фаолиятини амалдаги қонунлар, Ўзбекистон Республикаси Президенти ва Вазирлар Маҳкамаси қарорлари, ОЎМТВ ва университет ректори буйруқлари ҳамда ушбу Низом асосида олиб боради.

1.2. Марказ Адабиёт назарияси ва замонавий адабий жараён кафедраси ҳузурида ташкил этилади.

1.3. Марказ ноюридик шахс мақомида бўлиб, университетда очилган ҳисоб рақам, думалок муҳр, бурчак штампи ҳамда ўзбек ва инглиз тилларида номи кўрсатилган расмий иш қоғозларига эга бўлади.

1.4. Марказ билан университет ўртасидаги молиявий масалалар университет ички қоидаларига кўра ҳал қилинади.

1.5. Марказнинг почта манзили – 100100, Ўзбекистон Республикаси, Тошкент шаҳри, Яққасарой тумани, Ўқитувчилар кўчаси, 103.

1.6. Марказ расман қуйидагича номланади:

давлат тилида: Адабий жараённи баҳолаш илмий-тадқиқот маркази.

инглиз тилида: “Research Center _____”.

II. Марказнинг бошқарув асослари ва тизими

2.1. Марказ университет ректори томонидан тасдиқланган директор томонидан бошқарилади.

2.2. Марказ директори ўз ваколатлари доирасида:

Марказда бажарилиши мажбурий бўлган буйруқлар чиқаради;

Марказга малакали мутахассислар, иқтидорли илмий тадқиқотчи ва талабаларни жалб этади;

Ўзбекистон Республикаси ҳудудида ва хорижий мамлакатларда университет номидан юридик ва жисмоний шахслар билан ҳамкорлик ва хўжалик шартномаларини тузади;

таълим тизимини такомиллаштириш борасида турли халқаро ва республика миқёсидаги кўргазма, конференция, семинар ва бошқа тадбирларда иштирок этади;

халқаро таълим ва илмий муассасалари ҳамда турли жамоат ташкилотлари билан ўзаро манфаатли ҳамкорлик қилади;

университет Кенгаши ва раҳбариятига таклифлар билан чиқади;

Марказ фаолияти ҳақида матбуот ва интернет-сайтлари орқали ахборот таркатади;

Марказ фаолиятига дахлдор масалалар бўйича мажлислар, конференциялар ташкиллаштиради;

илм ва таълимга оид халқаро тадбирлар ташкил қилиш ва ўтказишда иштирок этади;

Марказ фаолияти доирасида қўйилган вазифаларни бажариш мақсадида вақтинчалик меҳнат жамоаси тузади, хорижий мутахассисларни шартнома асосида ишга таклиф қилади;

иқтисодиёт турли соҳаларининг корхона ва ташкилотлари, муассасалари ходимлари учун пуллик шартнома асосида турли хизматларни бажаради;

Ўзбекистон Республикасининг амалдаги қонунчилиги билан тақиқланмаган ва мазкур Низомга зид бўлмаган бошқа фаолиятларни амалга оширади.

2.3. Марказ университет тасарруфидаги хоналар ва техник воситалардан фойдаланиш ҳуқуқига эга.

2.4. Марказда турли сиёсий партиялар, ижтимоий-сиёсий ва диний ҳаракатлар фаолиятига йўл қўйилмайди.

2.5. Марказда бўлимлар, шўъбалар, лабораториялар, кутубхона ва бошқа илмий тадқиқотлар учун керакли иш жойлари ташкил этилиши мумкин.

III. Марказнинг мақсади ва вазифалари

3.1. Марказнинг мақсади:

мақсадли илмий фаолият олиб бориш;

фундаментал, инновацион ва амалий кетма-кетликдаги, жамият олдимишга қўяётган ва давлат буюртмаси сифатида намоён бўлаётган масалаларни ҳал этишга қаратилган тадқиқотларни амалга ошириш;

аниқ натижаларни қўлга киритиш тизимли.

3.2. Марказнинг асосий вазифалари:

1. Марказ қуйидаги вазифаларни амалга оширади:

1) мамлакатимиздаги адабий жараённинг амалий аҳамияти (бунда, бадиий асарнинг нашрдан аввалги ҳолати ва кейинги қиёфаси мутахассис призмасидан ўтказилган бўлиши зарур) ва муаммоларини ўрганиш – аниқлаш, таҳлил қилиш, муҳокамага қўйиш ва ечимларини тавсия этиш;

2) мамлакатимизда бу борада олиб борилаётган ишларни мувофиқлаштиради, уларга илмий самарадорлик талабларини ишлаб чиқади ва мониторингини ташкил этади;

3) мазкур муаммолар бўйича тизимли илмий тадқиқотларни амалга оширади – диссертация, монография ва илмий-услубий қўлланмалар яратиш, нашр ишларини амалга оширади;

4) марказ ҳузуридаги илмий кенгашга мазкур муаммолар бўйича тадқиқот ишларини муҳокама қилиш, диссертация ҳимоялари ташкил этилади;

5) марказнинг илмий хабарларини жамлаган журнал ташкил этилиб, унда “Адабий жараённи баҳолаш”да илмий-амалий муаммоларга бағишланган долзарб мавзудаги илмий мақола ва хабарлар чоп этиб борилади;

6) Адабий жараённи баҳолашда адабий терминларнинг муқобиллари ва уларнинг электрон платформасининг муттасил такомиллаштириб борилишини ташкил этади ва назорат қилади;

7) ҳар йили “Адабий жараённи баҳолашда муаммо ва ечимлар” мавзусидаги доимий анжуман йиғилишлари ўтказиб борилади.

IV. Марказ ва университет ўртасидаги ўзаро муносабатлар

4.1. Марказ мажбуриятлари:

тармоқ ташкилотлари билан ҳамкорлик шартномалари тузиш;
тармоқ ташкилотларида талабалар амалиётини ташкил этиш;
тармоқ ташкилотлари билан ҳамкорликда ҳар ўқув йили учун чора-тадбирлар дастурини ишлаб чиқиш;

иктисодиёт турли соҳаларининг корхона ва ташкилотлари, муассасалари билан хўжалик шартномалари тузиш;

тармоқ ташкилотларида талабаларни иш билан таъминлашга қаратилган аниқ чоралар кўриш;

кафедра педагог-ходимларига тармоқ ташкилотларда амалий тадқиқотлар учун зарур шароит яратиш;

Марказ ходимларини моддий рағбатлантириш ва ижтимоий муҳофаза қилиш;

тадқиқот учун зарур ўқув, услубий ва моддий-техника базасини ташкил этиш;

ўқитиш ва малака ошириш йўналишлари бўйича зарур ахборот-маълумотлар базасини шакллантириш, таълим жараёнига замонавий инновацион педагогик, мультимедиа ва ахборот-коммуникация технологияларини ишлаб чиқишни ва уларни жорий этишни ташкил этиш.

4.2. Университет мажбуриятлари:

Марказ фаолиятини кафедра илмий фаолият устувор йўналишларидан келиб чиққан ҳолда ташкил этиш;

Марказни ўқув, лаборатория ва бошқа моддий-техник воситалари билан таъминлаш;

Марказнинг ўзига даромад топиши учун зарур шароитларни яратиш;

Марказга тармоқ ташкилотлари муаммоларининг илмий ечимига йўналтирилган илмий ишлар дастурини шакллантиришда кўмак бериш.

V. Марказнинг моддий-техник таъминоти

5.1. Марказнинг молия-хўжалик фаолияти:

хўжалик фаолияти ва шартнома асосида кўрсатилган хизматлардан тушган тушумлар;
маҳаллий ва халқаро ташкилотлар грантлари маблағлари;

юрidik ва жисмоний шахсларнинг, шу жумладан, Ўзбекистон Республикаси норезидентлари, халқаро ташкилотларнинг ҳомийлик маблағлари ҳисобига шакллантирилади.

5.2. Марказ турли давлат ва жамоат ташкилотлари, тижорат тизимлари ва корхоналар, шу жумладан, чет эл фирмалари билан ўз фаолияти доирасида хўжалик шартномалари тузиши мумкин.

VI. Марказнинг халқаро фаолияти

6.1. Марказ ходимларнинг малакасини ошириш, чет элларда илмий-тадқиқот ишларини олиб бориш, ўзаро тажриба алмашиш ҳамда ташқи иктисодий фаолиятни амалга ошириш мақсадида халқаро ҳамкорликни амалга ошириш ҳуқуқига эгадир.

VII. Якуний қоидалар

7.1. Марказни тугатиш ёки қайта ташкил этиш университет Кенгаши томонидан белгиланган тартибда амалга оширилади.

7.2. Марказ Низоми университет ректори томонидан тасдиқланади